

Ken tabata... **George J. L. Maduro**

Si bo tende su nomber kisas e no ta bisa'bo nada, pero si bo a yega di tende di Madurodam na Hulanda, esey si kisas por zona conoci.

George Maduro a nace na Curaçao dia 15 di juli 1916, y tabata e bisnieto di e fundador di e empresa S.E.L. Maduro & Sons y tabata unico jiu.

Ora cu el a caba su scol na Curaçao, el a bai sigui su estudio na Leiden, Hulanda. Aki e tabata studia derecho (rechten) ora cu Segunda Guerra Mundial a cuminsa.

Dia 10 di Mei 1940 el a destaca como un di e oficialnan di reserva cu a captura un batayon di Alemannan na villa Leeuwenburg na Rijswijk. Pero despues cu militarnan Hulandes a entrega nan mes, George Maduro a uni su mes na e Resistencia Hulandes (verzet), pero lastimamente a wordo captura pa e Gestapo (e cuerpo policial secreto di e Alemannan) ora cu e tabata huy bai Spanje.

El a wordo encarcela den e campo di concentracion Dachau, hunto cu mas hende di Resistencia y hudiunan. Aki tambe el a haya e malesa di tyfus, y a muri dia 9 di februari 1945, poco luna prome cu e Liberacion. Pa su balentia el a wordo condecora cu e Koninklijke Militaire Willemsorde, cu ta un distincion militar hopi halto.

Na su honor, e mayornan di George Maduro a laga funda e parke di recreacion conoci rond mundo, esta Madurodam. Esaki a wordo habri oficialmente na aña 1952 door di e tempo ey prinses Beatrix (awe reina). Alaves a bira tambe e 'burgemeester' di e ciudad miniatura aki.

Awendia e ciudad di Madurodam ta conta cu hopi casita, edificio y monumentonan conoci di Hulanda, por bisa cu e ta un Hulanda completo den chikito, y ta wordo bishita pa miles di hende durante e lunanan di april te cu september.

Tin tambe na honor di George Maduro un cas, cu no ta existi na Hulanda, pero na Curaçao, e cas unda George a nace y lanta.



George Maduro no t'ey mas, y poco ta conoci di dje den bukinan, pero Madurodam ta percursa pa su memoria keda bibo den tur hende cu bishita e lugar bunita aki, maske cu nan no sa ta ken ni kiko el a haci den su bida.





Zwitsal

pa chikito...
... y grandi!

Agente exclusivo: Lenor N.V.

Chabalito



Number 9 - Año VI - Afl. 2,-



BIBLIOTECA NACIONAL ARUBA



3 0993 00185 668 1